

Ventricular Septal Defect

Tlhaloso:

1. Ventricular septal defect.

Tlhaloso:

Ke eng?

Ventricular Septal Defect (VSD) ke lesoba le leboteng la pelo, pakeng tsa diphaposi tse pedi tse kgolo tsa pelo.

Lesoba lena le dumella madi ho feta ho lona, ho bakang hore madi a 'ye tseleng e fosahetseng'. Kgatello e lehlakoreng le letshehadi ka tlwaelo e hodimo ho feta e ka ho le letona jwale madi a phalla ho tswa ho le letshehadi ho ya ho le letona (shunt e ho le letshehadi ho ya ho le letona). Sephetso ke hore madi a mangata ho feta tekano a phalla ho paroletsa le matshwafo.

Ventricular septal defects ke dikgolofalo tse tlwaelehileng tse amanang le pelo. Di ka ba teng ka bo tsona kapa di ka ba teng mmoho le dikgolofalo/mathata a mang a pelo.

Ditlamorao tsa teng ke dife?

Ho tsamaya (ho shunta) ha madi ho tswa ho le letshehadi ho ya ho le letona ke hona ho bakang bothata. Ho tswa boholong ba lesoba hore ditlamorao di tla fapana ho tswa ho fofo (lesoba le lenyane) ho ya ho tshabehang (lesoba le leholo). Phallo ya madi ho paroletsa le lesoba ho qetella e le lerata leo ngaka e utlwang ka lona ha e sebedisa sesebediswa se ikgethang sa bongaka (Stethoscope). Lerata lena leo ngaka e le utlwang le bitswa motsetselo.

Madi a mangata ho feta tekano a phallang ho paroletsa le matshwafo a etsa hore pelo e sebetse haholwanyane ho feta, sena se ka bonwa ka ho hema ka potlako ha ngwana, a kgathala mme a hema ka potlako le ho fufulelwa ha a ja (maseeng), baneng ba seng ba le baholwanyane ba kgathala ka pele ho feta bana ba bang ba dilemo tsa bona, ba fumana tshwaetso ya sefubeng le 'Ntaramane' kgafetsa ho feta. Ditshwaetso hangata di batla di le mpe. Hangata ha ba none.

Qetellong phallo e ngata ho feta tekano ho ya matshwafong e baka kgatello e eketsehileng ka hara matshwafo. Sena se senya matshwafo. Sena se kotsi haholo mme lesoba le hloka ho kwalwa pele sena se etsahala.

E alafuwa jwang?

Kalafo ke ho kwala lesoba. Sena hangata se etswa ka oporeishene. Nakong tse ding lesoba le ka kwalwa ntle le oporeishene ka ho beha 'plug' lesobeng ka hara laboratri ya catheterization.

Ha ho sa emetswe oporeishene meriana e ka nkuwa ho thusa pelo ho jara mesebetsi e eketsehileng le ho etsa hore ngwana a ikutlwe a le betere. Moriana ona ha o kwale lesoba.

Bana hangata ba fetiswetswa ho dietician ho etsa bonnete ba hore ba fumana dijo tse nepahetseng ho ba thusa ho nyolla mmele ha ba ntse ba emetse ho etswa oporeishene.

